


水經注集釋訂訛

三



總校官原任中允臣王燕緒

校對官中書臣吳裕德

謄錄貢生臣李廷對

欽定四庫全書

水經注集釋訂訛卷五

歸安沈炳巽撰

河水五潔水

河水又東過平陰縣北湛水從北來注之河水又東逕

河陽縣故城南

湛水篇云湛水出河內軼縣西北山東南流當平陰縣之東北南入於河今懷

西

春秋經書天王狩于河陽壬申公朝于王所晉侯執

衛侯而歸于京師春秋左傳僖公二十八年冬會于溫執衛侯是會也晉侯召襄王以諸侯見且使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽溫也班固漢書地理志司馬彪袁崧魏國志晉太康地道記十三州志河陽別縣非溫邑也漢高帝六年封陳絅按漢書功臣表作涓為侯國王莽之河亭也十三州志曰治河上河孟津河也郭緣生述征記曰踐土今治坂城是名異春秋焉

非今河北見者河陽城故縣也在治坂西北蓋晉之溫地故羣儒有溫之論矣魏土地記曰治坂城舊名漢祖渡城嶮固南臨孟津河洛陽西北四十二里故鄧鄉矣今懷慶府孟縣西南三十里有河陽故城相傳潘安仁種花滿縣今其地皆斥鹵矣

河水又臨平亭北

帝王世紀曰光武葬臨平亭南西望平陰者也

禹貢錐指

注曰後漢明帝紀原陵注云臨平亭南去洛陽十五里今按明帝紀中無此注

河水又東逕洛陽縣北洛陽故城漢河南郡治在今洛陽縣東北二十里

河之南岸有一碑北面題云洛陽北界水二渚分為
之也上舊有河平侯祠祠前有碑今不知所在郭頌
世語曰晉文王之世晉文王
疑有誤大魚見孟津長數百步
高五丈頭在南岸尾在中渚河平侯祠即斯祠也

河水又東逕平縣故城北

漢河南郡有平縣即今孟津
縣西北小平城也杜佑曰在

鞏縣西北有
津曰小平津

漢武帝元朔三年封濟北真王子劉遂為侯國

漢書
王子

侯表平侯遂者濟北式王子史記建元以來年表作
濟北貞王子史記表注索隱曰自陪安侯不害已下

十一人是濟北貞王子漢書自安陽侯以下八人是濟北式王子同是元朔三年十月封恐因此誤也

王莽之所謂治平矣俗謂之小平也有高祖講武場

河北側岸有二城相對置北中郎府徙諸從隸府戶

并羽林虎賁領隊防之

朱引鄭樵通志云四中郎將並後漢置江左彌重或領刺史或持節為之銀印青綬服同將軍後魏靈太后時

任城王澄奏宜以東中郎帶滎陽郡南中郎帶魯陽郡西中郎帶弘農郡北中郎帶河南郡選一品二品親賢居之配以強兵則深根固本之計也

河水

南對首陽山春秋所謂首戴

原本作戴首

也夷齊之歌所

矣曰登彼西山

謝云宋本作夷齊之歌所以曰登彼西山矣

上有夷齊之

廟前有二碑並是後漢河南尹廣陵陳導洛陽令徐循與處士平

何氏增原字從隸釋

鮑騰南陽何進等立事見其

碑又有周公廟魏氏起元武館於芒垂張景陽元武

館賦所謂高樓特起竦峙嵒堯直亭亭以孤立延千

里之清飈者也

晉張協玄武館賦尋厥先之攸基實張氏之舊墟何魏后之周覽遂築館

而起廬既號元武是日石樓於是高樓特起竦峙嵒堯飛甍四注上槩浮霄直亭亭以孤立迎千里之清

飈延賦作迎

朝廷又置冰室於斯阜室內有冰井春秋左

傳曰日在北陸而藏冰常以十二月採冰于河津之

隘峽石之阿北陰之中即邠詩二之日鑿氷沖沖矣
而內于氷室所謂納于凌陰者也河南有鈞陳壘世
傳武王伐紂八百諸侯所會處尚書所謂不期同時
也紫微有鈞陳之宿主鬪訟兵陣故遁甲攻取之法
以所攻神與鈞陳并氣下制所臨之辰則秩疑誤禽敵
是以壘資其名矣河水水一作于一作至斯有盟津之目論
衡曰武王伐紂升舟陽侯波起疾風逆流武王操黃
鉞而麾之風波畢除中流白魚入於舟殼以告天與

八百諸侯咸同此盟尚書所謂不謀同辭也故曰孟
津亦曰盟津尚書所謂東至于孟津者也又曰富平
津晉陽秋曰杜預造河橋于富平津何氏云元凱以
大父死于此故

竭思以成之

所謂造舟為梁者也又謂之曰陶河魏尚書
僕射杜畿以帝將許朱引魏志作
帝幸許都試樓船覆于陶河
謂此也魏志杜畿傳帝征吳以畿為尚書僕射統留
事其後帝幸許昌畿復居守受詔作御樓船

於陶河試
船遇風沒昔禹治洪水觀于河見白面長人魚身出
曰吾河精也授禹河圖而還于淵及子朝篡位與敬

王戰乃取周之寶玉沈河以祈福後二日津人得之
於河上將賣之則變而為石及敬王位定得玉者獻
之復為玉也

禹貢錐指曰以今輿地言之河水自陝州又東逕

澠池縣北其北岸則垣曲縣

澠池在河南河南府西少北一百六十里

垣曲在山西絳州西南二百十里
黃河在縣南五里俱澠池分水

又東逕新安縣

北又東逕洛陽縣北又東逕孟津縣北

新安在河南府西北

七十里黃河去縣七十里洛陽河南府治黃河去
縣二十里繞北邙山之麓孟津縣在府東北五十

里黃河去縣五里有陶渚其西有硠石馬渚高渚
委粟津皆大河津濟處縣北十五里有羅家灘又
西為楊家灘柳灘杏灘及耕子馬墳二灘皆在大河之中其北則濟源縣孟縣
濟源在懷慶府西七十里黃河在縣南七十里與
新安洛陽分水孟縣在府少西五十五里黃河在
縣南二十里南對小平津廣二里有南城北城中
渾城河陽三城記曰北城南臨大河長橋架水南
城三面臨河屹立水濱中渾表裏二城南北相望
黃河兩派貫于三城之間每秋泛溢南北二城皆
有濡足之患而中渾屹然如故此河水又東至孟津之所經也

河水又東湏水入焉

山海經曰和山上無草木而多瑤碧實惟河之九都

是山也五曲九水出焉合而北流注于河其陽多蒼

玉吉神泰逢司之是於蕡山之陽

朱引山海經作其狀如人而虎尾是

好居於蕡山之陽

出入有光呂氏春秋曰夏后氏孔甲田於

東陽蕡山遇大風雨迷惑入于民室皇甫謐帝王世

紀以為即東首陽山也蓋是山之殊目矣今於首陽

東山無水以應之當是今古世懸或川改狀矣

一作川域

改狀一作山川改狀昔帝堯修壇河洛擇良議沈

按竹書紀年擇良下有日

字無議沈二字似妄

率舜等升于首山而導

按竹書作遵理似長

河渚有

五老遊焉相謂河圖將來告帝以期知我者重瞳也

五老乃翻為流星而升于昴即于此也

按竹書紀年云洪水既平

歸功于舜將以天下禪之乃潔齋修壇場于河洛擇良日率舜等升首山遵河渚有五老遊焉蓋五星之精也相謂曰河圖將來告帝以期知我者重瞳黃姚五老因飛為流星上入昴較此似明而詳朱引論語比考讖曰堯與舜等遊首山觀河渚有五老遊河一老曰河圖將來告帝期河圖將浮金含玉苞刻版題命可參金泥玉檢書成知我者重瞳

黃姚歌訖五老飛入于昴與此少異

又東

又上疑漏

沛水注焉

孫汝澄云沛水當作沛水沛河水二字與濟同此後濟水凡作沛水

誤者並

又東過鞏縣北

鞏縣今屬河南府在府東一百三十里周鞏伯邑西周惠公封少子

班于輩是
為東周

河水於此有五社度為五社津建武元年朱鮪遣持
節使者賈彊後漢書作疆
見冠恂傳討難將軍蘓茂將三萬人

從五社津渡攻溫馮異遣校尉與冠恂合擊之大敗
追至河上生擒萬餘人投河而死者數千人縣北有
山臨城謂之釜嵒丘其下有穴謂之輩穴言潛通浦
北達於河直穴有渚謂之鮪渚朱云後漢書注引水經注云輩縣北有五
社津一名土社津有山臨河其下有穴潛通淮浦有渚謂之鮪渚成公子安大河賦

曰鱣鯉王鮒暮來遊

按成公子安名綏晉人其大河賦中無此句今備錄全賦俟再

考賦曰覽百川之弘壯分莫尚美于黃河潛崑崙之峻極兮出積石之嵯峨登龍門而南遊兮拂華陰與曲阿凌底柱而激湍兮踰汭洛而揚波體委蛇于后土兮配靈漢于穹蒼貫中夏之畿甸兮經朔狄之遐荒歷二周之北境兮流三晉之南鄉秦自西而啟壤兮齊據東而畫疆殷徒涉而永固衛遷濟而遂強趙決流而却魏羸引溝而減梁思先詰之攸歎何水德之難量賦止此

周禮春薦鮒然本原

謠作

非時及佗處則無故河自鮒穴已上又兼鮒稱

呂氏春秋稱武王伐紂至鮒水紂使膠鬲候周師即

是

五社津在今鞏縣北五里
釜嵒卽在縣西北三十里